



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

18.05.2023

296-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti qo'shma ta'lim 3-kurs talabalari (GRODNO) Abdusamadov Azizbek O'ktamovich, Abduxakimov Mirxayot Normumin o'g'li va Nurmatov Otabek Oybek o'g'li TDYU Odob-axloq kodeksi qoidalari bilan tanishtirilgan, dekanat tomonidan ogohlantirish berilgan bo'lishiga qaramasdan joriy yil 19-aprelida "Falsafa" fanidan leksiya dars mashg'uloti tugashidan so'ng soat taxminan 17-20 va 17-30 lar atrofida TDYU 3-binosi 216-xonada leksiya mashg'uloti olib borishda o'qituvchi foydalanishi uchun o'rnatilgan mikrofondan bir necha marotaba maqsadsiz foydalanib, baland ovozda shovqin ko'tarishgan hamda mikrofondan turli-xil so'zlarni ishlatib, xususan ijtimoiy tarmoqlarda urf bo'lgan so'zlar bilan kursdoshlarini mazax qilishgan.

Mazkur talabalarning xatti-harakatlari TDYU 3-binosi 216-xonadagi kamerada qayd etilgan bo'lib, mazkur videotasmada talabalar universitet mulki bo'lgan mikrofondan bir necha marotaba maqsadsiz foydalanib, baland ovozda shovqin qilishgan.

Talabalar mazkur holat bo'yicha dekanatga chaqirtirilib, videotasma bilan tanishtirildi hamda tushuntirish xati yozish so'raldi. Ammo, talabalar turli xil bahonalar bilan tushuntirish xatini dekanatga taqdim qilishmadi tushuntirish xati yozishdan bosh tortdi.

Talabalar Abdusamadov Azizbek O'ktamovich, Abduxakimov Mirxayot Normumin o'g'li va Nurmatov Otabek Oybek o'g'li mazkur harakatlari bilan TDYU Odob-axloq kodeksi 16-moddasi 10-xatboshisi (o'quv mashg'ulotlari va ishga hamda hodim va talabalarning osoyishtaligiga xalaqit beradigan xatti-harakatlarni sodir etish (radiouzatgich, televizor, multimedia va ovoz chiqaruvchi

moslamalardan maqsadsiz foydalanish) qat'iyon taqiqlanishi) va 26-moddasi 10-xatboshisi (talabalar universitet mulkiga ehtiyotkorlik bilan munosabatda bo'lish, shu jumladan xizmat vazifasini bajarish uchun berilgan moddiy texnika vositalaridan to'g'ri va tejamkorona foydalanishga majbur) talabalarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 16-moddasi 10-xatboshisi va 26-moddasi 10-xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

### **BUYURAMAN:**

1.Universitet Odob-axloq kodeksi 16-moddasi 10-xatboshisi va 26-moddasi 10-xatboshisi talabalarini buzganligi uchun universitetning Xalqaro huquq va qiyosiy huquqshunoslik fakulteti qo'shma ta'lim 3-kurs talabalari (GRODNO) Abdusamadov Azizbek O'ktamovich, Abduxakimov Mirxayot Normumin o'g'li va Nurmatov Otabek Oybek o'g'liga hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan universitet talabalarini tanishtirsin.

3. Fakultet dekani (D.Umarxanova):

mazkur holat takror sodir etilsa, talabalarni **talabalar safidan chetlashtirish** mumkinligi to'g'risida ogohlantirsin hamda ularning ushbu (ustoziga qilgan hurmatsizligi va dars mashg'uloti vaqtidagi) harakatlari ota-onalariga ma'lum qilsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

4.Mazkur buyruq bajarilishini nazorat qilish prorektor A.Hashimxonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

